

眼科
神
關
微

四



卷四貞集

小兒眼科病症

按小兒目病與大人不同大人目病多因憂患惱怒七情色慾所致內傷于臟腑外發于眼目至于小兒目病不過胎毒血熱之故症既不同治法亦異蓋小兒秉受天真不足氣血嫩弱間有雲翳障膜極難療治若發散過則精氣散寒涼多則脾胃傷誤針則光明立失點重則易於傷瞳須認証真切內服之藥要極和平外點之藥勿涉猛烈優游漸進調理得宜日久自然消磨不然心粗手滑鮮

有不傷目者每見嬰兒目病自壞者十之一二治傷者十之八九余故表而出之為世之為人父母與業斯道者留心焉

凡小兒目赤心經實熱也宜服

導赤散

生地 生甘草 木通 黃芩 赤芍 羌活 各等分

共為末每服三錢燈心煎湯下點元靈丹

小兒目淡紅心經虛弱也宜用

生犀散

生犀角末 錢 赤芍 柴胡 地骨皮 甘草 各五錢

共為末每二錢水一鍾煎七分溫服點白玉錠
小兒赤眼多淚睛疼心躁并熱翳急驚發搐等症此
肝熱宜用

瀉青丸

當歸

川芎

防風

胆草

大黃

濕紙包煨

羌活

梔仁

各等分

一方加甘草赤芍共為末蜜丸芡實大

每一丸沙糖調下點掃霧丹治大人每服三錢

小兒目黃脾經熱也宜服

瀉黃散

藿香葉

×錢

梔仁

炒兩

石膏

煨

甘草

各五錢

防風 四錢

右同蜜酒微炒為末每二錢水煎服 洗鑿連膏

小兒目無精彩腎虛也用地黃丸 不能吃丸葯服地黃湯

小兒鬪睛症因悞失築打兼倒撲收驚風 遂使兩目

牛黃丸 不用點

牛黃 白附子 肉桂 全蝎 川芎 石膏 煨各一錢五分

白芷 藿香 各五錢 辰砂 射香 各少許

右為末煉蜜丸桐子大卧時薄荷湯化 三五丸乳母忌口

小兒疳毒患眼閉目不開羞明怕日及目障宜用

生熟地黃湯

生地 酒炒 熟地 麥冬 各錢 當歸 枳壳 炙甘草

防風

杏仁

炒去皮尖

赤芍

各五錢

加大黑豆十粒

煎豆熟為度去渣服

小兒熱毒患眼宜服

小防風湯

熟大黃

山梔

防風

赤芍

當歸

羌活

炙甘草

各等分

共為末每二錢水煎服

點白玉錠元靈丹

小兒風毒患眼宜服

小流氣飲

蟬退

炙草

羌活

天麻

當歸

赤芍

防風

大黃

薄荷

杏仁

去皮尖各等分

共為末每服

二錢

水煎食後溫服點掃霧丹

小兒熱毒患眼宜服

小菊花膏

黃連 黃芩 大黃 菊花 羌活 蒼朮 防風

荊芥穗 各等分

右為末

蜜九芫實大每一丸白滾湯下點元靈丹
賽金丹

小兒瀉後目閉用健脾養胃補血滋腎等藥

小兒諸毒入目宜服

密蒙花散

蒙花 二錢

青箱子

決明子

車前子

各五分

為末用羊肝一具批開摻藥在內線紮紙包水

濕入炭火內煨肝熟空心吃點掃霧丹

小兒積熱上攻血灌瞳神宜服

車前子散

蒙花 羌活 車前 粉草炒 白蒺藜炒 黃芩炒

草決明 菊花 胆草炒 各等分共為末每服二

錢食後飲湯下洗白玉錠

小兒頭枕骨疼閉目不開宜服

通頂散

川芎 薄荷 各五錢 茵陳 甘草 各四錢 朴硝 三錢甜硝亦用

右為細末用少許葶筒吹入鼻中病者含凉水一口吹後吹水如此幾次方愈點白玉錠

小兒卒然驚悸眼目翻騰宜用

鉤藤飲子

鈎藤炙錢 麻黃去節 甘草炙各三分 天麻 川芎 防風

人參各五分 全蝎炒去毒二錢 僵蠶炒一錢二分
水二鍾姜三片煎八分不拘時服

小兒頭眩覺地屋俱轉閉目不開宜用

人參湯

人參 麥冬 當歸 白朮 防風各八分 白芍

獨活 黃芪各錢二分 官桂去皮七分 共為劑水二鍾煎八分食遠服點至寶丹

小兒手循領亂捻物目直視肝臟實熱也宜用

瀉青丸 方見前用竹葉湯化下

小兒因驚後瞳人不正宜用

人參一錢 阿膠糯米炒成珠一錢 水二鍾煎七分溫服明日再服

小兒卒暴中風不省人事目直視痰壅塞也宜用

石燕

大煨醋淬研九次

雄黃

研飛

蛇黃

煨醋淬九次

辰砂

研飛

磁石

煨醋淬九次

石綠

各二兩飛

輕粉

牛黃

粉霜

射香

各五分

金銀箔一百張為衣

共研極細酒煮麴為丸芡實大每丸薄湯並酒磨

小兒十歲以下一丸分作四服蜜水磨下四歲以下

一丸分為五付未滿一歲分為七付如牙關緊急

不開撬開灌下洗白玉錠

小兒痰涎壅塞牙關緊急目直視宜用

碧霞丹

尖

石綠

煅製如前十四

附子興

去皮

烏頭尖

去皮

燭稍

各五十個

三味為末入石綠令勻麪糊為丸如芡實大每用薄荷汁化下一丸更入酒少許溫服須臾吐出涎

痰然後隨證治之如牙關緊急撬開灌之

立效洗至寶丹

小兒目睛睵動此血不足風火相搏也宜用四物湯益其血加柴胡山梔清其肝陰血內榮則虛風自息目不睵動矣

小兒兩目連劄肝經有風也風入于目上下左右如風吹故目連劄也宜用

四物肥兒湯

黃連炒

蕪荑

神麴

麥芽

炒各等分

石末水糊丸桐子大每二十丸空心白湯下不能
吃凡研碎亦可

小兒眼目癢澁稍覺眊矇視物微昏內眥開竅如針
日痛按之濃浸出有兩目俱病者有一目獨病者
宜服

竹葉瀉經湯

柴胡

梔子仁

炒

川羌活

升麻

甘草

炙

川連

各等分

澤瀉

白茯苓

赤芍

草決明

車前

各等分

黃芩

大黃

各六分

青竹葉十片

水三鍾煎一鍾
食後溫服

蜜劑解毒丸

梔仁

炒十兩

杏仁

泡去皮尖
取霜二兩

錦紋大黃

五兩

石蜜

一斤煉熟

共為末蜜丸桐子大每服三十丸加至百丸茶湯送下此症俗名漏睛久而不治竟枯兩目大人亦多此症

小兒初生下眼不開者由產母過食辛熱等物致成斯疾當以熊胆少許蒸水洗目一日七次如三日不開用生地散凡小兒不洗淨則穢浸漬於目眥中使眼赤爛至長不瘥

小兒五七歲目閉不開者足太陽經為目上網足陽

明經為目下網熱則筋縱目不開宜服

助陽活血湯

炙草

黃芪

當歸

防風

各錢

蔓荊子

白芷

各五分

柴胡

升麻

各分

水二鍾煎一鍾

稍熱服

大人眼睫無力常欲睡閉無疼痛而陰澁難開此服寒涼太多而直氣不能通九竅也宜用此方小兒目上午睫癢起肉疣用手法除後服

防風散結湯

防風

羌活

歸尾

白芍

各六分

紅花

蘇木

各少許

蒼朮

茯苓

獨活

前胡

黃芩

各分

細甘草

防己

各四分

水二鍾煎一鍾食後大熱服渣再煎病

在睫加黃連柴胡病在下睫加藁本蔓荊子

此病初起或在上眼皮內或在下眼皮內初如豆如

白果大速服此藥即消日久堅硬如石非刀割去

不消若因循不治長如桃如盃如盞高大痛則傷

命大人亦有此症余屢屢治過俱以此方收功神

效

痘

小兒痘後目赤腫不開者宜用

洗肝散

川芎 當歸 防風 羌活 薄荷 山梔 甘草

各等分水煎食後服

睛疼昏暗加石膏南谷精草桑豆皮睛有翳膜者加
蟬退白蒺藜實熱便閉加大黃按川芎當歸入肝
經養肝血主乎風防風羌活薄荷皆風藥也肝者
火之母一火動則五火俱煽動梔子甘草所以清
肝火也諸藥皆滌薄之品故云洗肝散洗礬連膏
痘後目不赤腫疼黑暗處則開見陽光則淚出癰澁
難開宜用洗肝明目散

當歸 川芎 羌活 防風 山梔 胆草 柴胡

蒙花 木賊各等分 為末每一錢沙糖水調下過百日

點至寶丹

按此方當歸以補其血川芎亦然目得血而能視
羌防以散其熱熱退則目明甘草梔子柴胡入肝
經以清肝大肝清則目亦清蒙花木賊治拳毛倒
睫眼中流淚不可少之藥也

痘後翳膜遮睛宜用

地黃散

熟地 當歸 防風 蟬退 羌活 白蒺藜炒

木賊各錢 黑參各錢 桑南谷精草一錢 沙苑蒺藜一錢